

به نسخه ۱۰ غروشد

اداره خانه سی : آقسرائده
ملا کورانی محله سنده مهتر
سوقاغنده ۳ نومرولوخانه

مركز توزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۶۰ غروش
آلتی آلتی ۳۰

محفصل

۱۳۳۸

دینی ، علمی ، ادبی ، اجتماعی و شیمیایی
شهری مجموعه ده

صاحبی ، مدیری ، محرری



اسلامک نفعنه خادم مقالات
مع التشر قبول ونشراولونور

یازانک شخصیتی دکل ، یازینک اهیق
نظردقته آلتیور .

کن یازیلردن شایان قبول کوردولنار
تاریخ میراسیله درج ایدیلیر .

عدد : ۳۳ و ۳۴ ۱۳۴۱ جمادی الاخره و رجب آیلرینه مخصوص نسخه جلد : ۳

مذمومات :

محفصل دینی و علمی : تستر شرعینک فوائدی - اسکاییلی عاطف . بش وقت نماز - طاهرالمولوی . ایلک
مسلمان واک محترم قادی - فخرالنساء کمال . معلومات جاهلیه حقنده بر قونقه رانس - طاهرالمولوی . احمدیه
حرکاتی حقنده بعض نوطار - مسعود . اسلامیاته غائد نشریات - سعدی .

محفصل ادبی : یکی شهرلی عوفی بکک آثارندن منتخبات - بسیم . نیاز - محمدصادق . نعت شریف - طاهرالمولوی .

محفصل تاریخی : بو بوکلر مژدن : سعید بن زید . عثمان شمس و شیخ عزری افندیلر - حسین و صاف

مستجابی زاده عصمت بک - سعودالمولوی .

فرضیتہ امت اجماع و اتفاق ایده کلمشدر . منکر شرعی اولان بلا خلاف کافر در - حاجی ذہنی افندی .

علما ، نمازک فرضیتہ (ان الصلوۃ کانت علی المؤمنین کتاباً موقوتاً) آیت کریمہ سبلہ حکم ایشدر ، (موقوت) لفظ شریفندن ده اوقات معلومہ ده فرض اولدینگی استدلال ایله مشلدر .

کذا (اقم الصلوۃ لدلوك الشمس الى غسق الليل وقرآن الفجر) و (اقم الصلوۃ طرفی النهار وزلفاً من الليل) و (فسبحان الله حين تمسون وحين تصبحون وعشياً وحين تظهرون) (وصبح بمحمد ربك قبل طلوع الشمس وقبل غروبها ومن آتاء الليل فسبح واطراف النهار) آیتلرندن ده اوقات صلاتی استخراج ایله مشلدر . کذا حدیث شریفده (ان الله تعالى فرض علی کل مسلم ومسلمة فی کل يوم وليلة خمس صلوات - حاجی ذہنی افندی) بیورولمشدرکه « الله تعالی ، اركك ، قادین هر مسلمانہ بر کون وبر کیجه ده بش وقت نماز قیلمسنی فرض قیلمشدر » مآئنده در .

اوقات صلات :

(بریده بن الحصب الصحابی) رضی الله عنہک اوغلی (سلمان) دف نقلاً (صحیح مسلم) ده ده نیلورکه : « رسول اکرم صلی الله علیه وسلمدن بر آدم ، نماز و قیلرینی صوردی ، علیه الصلوۃ افندی زده : بزمله برابر ایکی کون نماز قیل بیوردی . ایلك کونی کونشک زوالنی متعاقب بلاله اص ایدوب اذان او قوتدی وقامت کتیرتدی . شمس ، دها یوکک و هنوز بیاض ایکن ایکندی بی ، غروبدن صوکر آقشامی ، شفق غائب اولونجه یالسی بی ، فجر طلوع ایدینجه ده صباح نمازنی قیلیردی . ایکنجی کون ، اوکله بی ، کونشک حرارتی زائل اولدقندن صوکر ، ایکندی بی دونکنندن براز کچجه ، آقشامی شفقک غیوبتندن براز اول ، یالسی بی کیجه ملک نلک اولی کچدکن صوکر ، صبحی ده اورتالق ایجه آیدیلاندقده ادا ابتد . بعده نماز وقتنی صوران

حقیقیه به هیچ بر صورتله مانع تشکیل ایتمز . چونکه مدنیت فاضله علوم ، معارف ، صنایع ، تجارت ایله حصولذیر اولور . حالوکه تستر شرعی بوکا مانع دکلدر . چونکه (طلب الکسب فریضة علی کل مسلم ومسلمة کان طلب العلم فریضة) حدیث شریفیه رسول اکرم افندمر حضرتلری علم حال درجه سنده علم او کر نلک ایله ناسه محتاج و آتله یوک اولیه جق درجه ده حالندن رزق قازانمک هر مسلم ومسلمه اوزرینه فرض اولدینگی بیان بیورده رق هر کسی مساعی ذاتیه سبله کچمنکه سوق واجبار ایتمکده در .

مابعدی وار امطیبی : محمد عاطف

عبادات اسلامیه دن :

بش وقت نماز

نمازلرک بش وقت اولق اوزره فرض قیلیماسی - بخارینک کتاب الصلاتنده مروی اولدینگی اوزره - ليله معراجده درکه « هجرت سنیه دن بر یق سنه (اون سکنز آی) أقدمدر - کتاب الصلاة = حاجی ذہنی افندی »

بخاریده حضرت عائشه دن نقلاً ده نیلورکه « فرض الله الصلاة حين فرضها رکعتین فی الحضر والسفر فاقرت صلاة السفر وزید فی صلاة الحضر » یعنی « جناب حق ، نمازی فرض ایتمدیکی وقت حضرده وسفرده ایکیشر رکعت اولق اوزره مفروض اولمشدی . صوکر اصلاات سفر عینله ابقا ایدیلدی ، حضرده کی نمازلر تزید اولوندی »

حاجی ذہنی افندینک بیانته کوره نمازلرک رکعاتی بعده الهجره مدینه ده آتیریلش وشو حسابجه درت رکعتلی نمازلر ۱۳۴۰ سنه دنبری قیلیمه کلمشدر . « زمان حضرت رسول الله دن بوکونه قدر کیسه رد وانکار ایتمک اوزره بش وقت نمازک

هر زمان معروض قالدینی هجوملرله مضطرب اولدجه
 یکانه ملجأ اولان اوینه قوشاردی . او آشیان
 صمیمیتده زوجه سنک مشفق تسلیلرله سکون بولور
 وبو صورتله دیکله نن روحی تکرار حیات ایچین
 قوت آلارق یکی برعزم ایله نشردینه سعی ایدردی ..
 حیاتک ال بویوک اضطرارلرینی ، اکتحملسوز
 آجیلرینی ، بویکانه قالدینک حریم صمیمیتده یاشایان
 جناب پیغمبر ، بمشک ۱۰ نجی سالنده معزز رفیقہ سنی
 ابدیاً غائب ایتمشدر ... که ؛ بو غیوبت کندیلرینی
 هر زمان صارصان وقعہ لر دن بری اولمش ، وبوتون
 حیاتلنده ، حرمت و تحسرله خدیجہ نامنی یاد
 ایتمشلردر . حتی بو حال حضرت خدیجہ نک وفاتندن
 سوکره تزوج ایدیان حضرت عایشه طرفندن
 قیصقا نجلینی موجب اولمش ؛ - یارسول الله او ، دیشی
 دوشوک اختیار ایچین می بوقادار اوزولویورسکز ؛
 حالبوکه ؛ جناب حق ، سزه دهاها خیرلیسنی ویردی .
 دیبهرک نفسنی قصد ایلهمش ایدی ..

فقط حضرت پیغمبر ... اونک ایچون بویله
 سویله مه : زیرا الله بکا اوندن خیرلیسنی ویرمه دی :
 او ، اویله بر قالدین ایدی که : هر کس کافر ایکن
 اومسلمان اولدی ، ناس بنی تکذیب ایدرکن ،
 اوتصدیق ایتدی . خلق بوتلره طایارکن ، او ،
 بنله نماز قیلدی . هر شیدن محروم قالدیغم ائنده
 او ، بکا ، ماليله یارديم ایتدی . چوجوقلریمک
 حقیقی ویکانه مربیه می او ، اولدی بویورمشلردر
 اکمل الرجال افندیمز حضرتلری ، مؤخرآ
 ایلک زوجه سندن دهاها کوزهل ، دهاها فسونکار ،
 قالدینلره صاحب اولدی ... فقط نیچین اونلرک
 هیچ برینی ایلک دفعه دویدینی حرمت و محبتله ،
 بر دوست ، بر منبع شفقت کبی سه و مه دی ،
 سه و مه دی ؟ .. هر بری آری بر فسون وحسنه
 مالک اولان بوقالدینلرک هیچ بری ذات حضرت

نرده ؛ سوألنده بولوندی ونم یارسول الله ! جوابی
 اوزهرینه : نماز و قتلرکیز ، کوردکلرکیزک آواسیدر
 بویوردی .

حاجی ذهنی افندینک (المختصرات) نده اوقات
 صلات شو صورتله کویسته ریلشدر :

« صباح نمازینک وقتی : طلوع فجر صادقده اعتبارآ
 طلوع شمسدن اولجه به قدردر .

اوکله نمازینک وقتی : زوال شمسدن اعتبارآ هر دیکیلی
 شینک کولکه سی کندینک ایکی وعلی قول بر مثلی اولاق
 زمانته قدردر . جمعه نمازینک وقتی ده بودر .

ایکیندی نمازینک وقتی : دیکیلی شی ، کولکه سنک
 ایکی قول مختلف اوزره ذکر اولنان زیاده لکندن اعتبارآ
 غروب شمس قدردر .

آقشام نمازینک وقتی : غروب شمسدن اعتبارآ
 غروبی تعقیب ایدن قیزیللق یاخود اوندن سوکرا کی
 آتلق معناسنه اولان شفقک غیوبتنه قدردر .

یاقسو نمازینک وقتی : ذکر اولنان شفقک غیوبتندن
 اعتبارآ طلوع فجر دن اولجه به قدردر . وتر نمازی دخی
 یاقسو نمازینک وقتنده واوندن سوکرا قیلنیر ،

ظاهر المولوی

ایلک مسلمان واک محترم قالدین

۳۱ نجی نسخه دن مابعد

جناب خدیجہ بی حضرت پیغمبرک حرمی
 اولدینی ایچون دکل ، تاریخده کی موفیقی اعتباریلده
 تدقیق ایده جک اولساق ، ینه قالدینلرک ال بویوکسک
 ذروه سنه چیقمش ، متانت روحیه و اخلاقیه سیله
 قالدینلرک منهای کالنی تمثیل ایلهمش خدآ مستثنا
 بر شخصیت اولارق طانیامز لازمدر . چونکه :
 دکل بر قالدینک ، اک متین واک جسور ، برارککک
 بیله یابامی حاجنی قادار آغیر اولان بر وظیفه بی
 یالکیز باشنه یامشدر . هر درلو تسلیدن ، حامیدن
 محروم و کیمسه سز بولونان رسول اکرم کندیسنی
 تسلی ایدن بویوک روحی هب اوفداکار قالدینده
 بولشدر . علیه الصلوۃ افندیمز ، نشر دین ایچین